

جریدہ علمیہ

مشتبت مجلہ اسلامیک جریڈہ رسمہ سید

عزم ، صفر سنہ ۱۳۴۱

عدد ۷۸، ۷۹

شمذیلک آیدہ بر نشر اولئور

میانجی سنہ

فتاویٰ شریفہ

صلات

جمہ کوئی محفلہ قرآن عظیم تلاوت اولئور کن حاضر اولان مسلمانلرک تسبیحہ صفوفہ خالک ویرمدکاری حالہ تلاوت ایدن کسنہ توجہ ایملری اولی اولورمی
الجواب اولور .

* *

نکاح

هند صغیرہ ولی اقربی لابوین عمی زید مهر مثیلہ کفوی عمروہ تزویج ایلسہ
هندک وصیسی بکر مجرد وصیسی اولملہ راضی اولیوب عقد مزبوری فسخہ قادر اولورمی
الجواب اولماز .

* *

هند بالغہ نفسی شہود محض لرندہ زیدہ تزویج ایتد کدنسکرہ هند نفسی شو قدر
آچہ تسمیہ سیلہ عمروہ دخی تزویج ایلسہ عقد ثانی صحیح اولورمی الجواب اولماز .

* *

طلاق

زید زوجہ مدخول بہای ہندہ خطاب ایدوب عورت بن سنی بوشادم بوشادم
دیسہ هند زیددن اوچ طلاق بوش اولورمی الجواب اولور .

* *

زید زوجه سی هندی تطلیقه عمر وی وکالت مطلقه ایله توکیل ایدوب عمرو دخی
سکران ایکن هندی تصایق ایلسه طلاق واقع اولورمی الجواب اولور.

* *

عدت

زید ذات حیض اولان زوجه مدخول بهایی هند حرمی باینا تطلیق ایتدکنصکره
هند آتش کوندن اقلده اوج حیض کوروب عدتم منقضیه اولدی دیسه مصدقه اولورمی
الجواب اولماز.

* *

ثبوت نسب

زید هند حرمه زنا ایدوب هند زنادن برولدکتوردکده زید اول ولد زنادن حاصل
اولمدر دیو اقرار ایدوب ابداء فوت اولسه اول ولد زیده وارث اولورمی الجواب
اولماز.

* *

نفقه

طلبة علوم شرعیه نك صلاح اسندن اولیوب تحصیل علوم نافعہ ایله اشتغالی بولمیان
وکسبدن عاجز اولمیان زید کبیر فقیرک نفقه سی بابسی عمرو موسر اوزرینه لازمه اولورمی
الجواب اولماز.

* *

هند معسر نك زوجی زید دخی معسر اولوب هندك لاب ار قرنداشی عمرو موسردن
غیری کسنه سی اولماسه عمرو زیده رجوع ایتک اوزره هندی انفاقه مجبور اولورمی
الجواب اولور.

* *

مقود

زید مقودك حقیقه یا حکما موتی ثابت اولمدین ورثه سی مالی اقتسامه قادر اولورلری
الجواب اولمازلر.

* *

هبة

زید محنتده مالک اولدینم جمیع اشیام عمرو کدر دیدکدنصکره تسلیم وقبض بولمدين
زید فوت اولسه هبة من بوره باطله اولورمی الجواب اولور.

* *

غصب

زید بر قلیجی عمروء اعاره و تسلیم ایند کد نص کره متغلبه دن بکر قلیجی تغلبا عمروءن
آلوب عمروء دفعه قادر اولسه عمروء ضمان لازم اولورمی الجواب اولماز .

* *

مایکون کفر امن المام

زید مسلم غیر مسلملره مخصوص شبعه بی باشه وضع ایسه زیده تجدید ایمان و نکاح
لازم اولورمی الجواب اولور .

* *

حیطان

زید مزانک کاریزی چرکابی جاری عمروء منزلی کاریزیه بغیر حق الحاق ایدوب
اجرا ایدر اولسه عمروء زیدی اجرادن منعه قادر اولورمی الجواب اولور .

* *

وفت

غله بی واقفک بطنا بعد بطن اولادینه و اولاد اولادینه مشروط و قفک غله سنده
واقفک اولادندن بطن اولدن اولان زیده بطن ناییدن اولان عمروء مشارکته قادر اولورمی
الجواب اولماز .

کتاب الفقیر طرسوسی زاده
محمد نوری مدنی
من ههنا



اجوبه شرعیه

حسینی امضالی ۲۶ شباط ۳۳۸ تاریخنده فتواخانه به بالورود ، مسکن شرعیدن خروج
ایدن هند مطلقه به زوجی مسکن شرعی به کلدیکه سکا نفقه و یرم دیمکه قادر اولوب اوله میه جفته
دائر واقع اولان استفتایه جوابدر .

§ هند مزبورده زید مزبورک بیت المده اولان مسکن شرعیدندن جفته مزبورده
بیت مذکورده عودت ایتمدیکه نفقه به مستحقه اولماز .
غره رجب ۳۴۰

* *